

Куч-адолатда

Аدل ила олам юзин обод қил

2021 йил
19 февраль,
жума
№ 7 (832)

Ўзбекистон Республикаси Олий судининг ҳуқуқий газетаси

http://www.sud.uz

1998 йил 29 августдан чиқа бошлаган.

ШАВКАТ МИРЗИЁЕВ: «НАМАНГАНГА ОДАМЛАРНИНГ ЭРТАНГИ КУНИНИ ЯХШИ ҚИЛИШ УЧУН КАТТА ЗАМИН, КАТТА МАБЛАҒЛАР БИЛАН КЕЛДИК»

Президент Шавкат Мирзиёев саноат корхоналари, қишлоқ хўжалиги лойиҳалари, бунёдкорлик ишлари билан яқиндан танишиш, маҳаллалардаги шароитни ўрганиш мақсадида 18 февраль куни Наманган вилоятига келди.

Ташриф дастурига мувофиқ илк манзил Янгикўрган тумани бўлди. Давлатимиз раҳбари ўтган йили июнь ойида вилоятда бўлганида Косонсой, Чортоқ, Янгикўрган туманларини боғдорчиликка ихтисослаштириш яхши самара берганини айтган эди. Жорий йил 11 январда эса "Наманган вилоятининг Косонсой, Чортоқ ва Янгикўрган туманларида мева-сабзавотчилик ва узумчиликни ривожлантириш чора-тадбирлари тўғрисида" Президент қарори қабул қилинди.

Шунга мувофиқ, ушбу тоғли туманларда замонавий боғ ва тоқзорлар ташкил этилмоқда. Улардан бири — Янгикўргондаги "Sura General Investments" масъулияти чекланган жамиятининг боғи. Илгари суғорилмаганлиги сабабли шу пайтгача унумли фойдаланилмай келинган бу ерда Бирлашган Араб Амирликларининг 3 миллион доллар тўғридан-тўғри хорижий инвестицияси ҳисобига 103 гектар майдонда интенсив боғ барпо этилди.

Авалло, 250 метр чуқурликдан сув чиқарилди. Ховуз қазилиб, томчилатиб суғориш тизими ўрнатилди. Ўтган йили Италиядан кўчат олиб келиниб, 48 гектарга гилос, 26 гектарга ўрик, 22 гектарга шафтоли, 7 гектарга олхўри экилди.

Президентимиз боғнинг иқтисодий самардорлиги билан қизикди. Бу ерда мева ҳосилдорлиги оддий усулдаги нисбатан 3 марта юқори. Навлари ҳам бозорбор. Томчилатиб суғориш тизими натижасида ҳар гектар ерда сувни 2 баробар кўпроқ иқтисод қилиш мумкин.

Дарахлар келгуси йили ҳосилга қиради. Боғнинг йиллик кувва-

ти 5 минг тонна бўлади. 4 миллион долларлик маҳсулот экспорт қилиш режалаштирилган. Корхона яна минг гектарда боғ яратишни мақсад қилган.

Боғда 40 киши иш билан таъминланган. Қатор ораларида сабзавот етиштириш учун ишсиз ёшларга ер бўлиб берилган.

Давлатимиз раҳбари шундай ёшлар билан суҳбатлашди.

— Сизларнинг ишли бўлганларингни, кайфиятларингни кўриб хурсандман. Йўлларингизни топиб, иш билан бўлиб, бирингизни икки қилиб, фарзандлар қамолни кўриб яшасаларингиз — менинг энг катта мақсадим шу. Бунинг учун шу билан чегараланмай, кўпроқ билим олишингиз, янги марраларга интилишингиз керак, — деди Шавкат Мирзиёев.

Илгари наманганлик 160 минг киши хорижга иш излаб кетгани, бугун яратилаётган имкониятлар натижасида уларнинг 100 минг нафари юртимизга қайтиб келгани таъкидланди.

— Ёшлар йўлини тасаввур қилолса, куч пайдо бўлади. Қийинчиликлардан, синовлардан хафа бўлмастик керак. Ҳаёт мактабини ўтаган инсон дунёга бошқача қарайди. Ёшларнинг яхшиям, ёмоням бизнинг фарзандларимиз. Сизларга ўхшаган интилувчан, эртанги кунига бефарқ бўлмаган, касб-хўнарни ёшлар бошқа тенгдошларига ўрناк бўлиши керак, — деди Президент.

Президентимиз интенсив боғ инвестори билан мулоқотда бўлди. Шу ерда Наманган вилоятида қишлоқ хўжалиги соҳасида амалга оширилаётган лойиҳалар тақдироти ўтказилди.

Давлатимиз раҳбари Чуст туманидаги "Chust textile" хусусий корхонасини бориб кўрди.

Ёшлар ва хотин-қизларни иш билан таъминлаш — давлатимиз сиёсатининг энг устувор йўналиши. Шу мақсадда шаҳар ва туманларда тўқимачилик мажмуалари

ташкил этилмоқда. Зеро, бунинг учун хомашё, инфратузилма ва бозор бор.

"Chust textile" корхонаси "Наманган" эркин иқтисодий зонаси ҳудудида ташкил этилган. Фабриканинг иккита мажмуасида 1 минг 300 киши меҳнат қилмоқда.

Корхона буюртмага қараб, барча турдаги устки ва ички кийимларни ишлаб чиқариши мумкин. 2020 йилда қарийб 2 минг тонна мато ҳамда 5 миллион 200 минг дона тайёр трикотаж маҳсулоти ишлаб чиқарилиб, Италия, Россия, Қозоғистон ва Тожикистон каби давлатларга 9 миллион доллардан зиёд экспорт қилинган. Жорий йилда экспорт ҳажмини 12 миллион долларга етказиш режалаштирилган.

Президент корхонадаги иш жараёнини, тайёр маҳсулотларни кўздан кечирди.

— Илгари эгилиб пахта экардик, эгилиб терардик, лекин бошқа давлатларни боқардик. Охири йилларда яратилган имкониятлар тўғрисида янги корхоналар пайдо бўляпти, тадбиркорлар эркин ривожланипти, қайта ишлаш даражаси осяпти. Кластерлар тузиб, пахта эгали қилганимиз учун унинг сифати ҳам ўзгаряпти. Пахта сифатли бўлса, тадбиркорга осон бўлади, маҳсулоти сифатли, рақобатбардор бўлади, — деди Шавкат Мирзиёев.

Корхона бинолари кўп материал сарфланмай, ангар усулида барпо этилган. Натижада қурилишнинг ўзидан 6 миллион доллар иқтисод қилинган. Яна бир афзаллик шундаки, иншоот анъанавий усулга нисбатан 2-3 марта тез йиғилади ва тикланади. Арзон ва сифатли ушбу материални кейинчалик зарур бўлганда таъмирлаш учун ҳам кам маблағ сарфланади. Бино шамол, қор ва зилзилага ўта бардошли. Махсус ҳаво алмаштириш ускуналари билан жиҳозлангани тўғрисида қишда иссиқлик, ёзда салқинлик таъминланган.

Давлатимиз раҳбари бунинг маҳсулот таннарига, рақобатбардошлигига таъсирини таъкидлаб, бошқа тўқимачилик мажмуаларини ҳам шундай лойиҳа асосида қуриш бўйича кўрсатма берди.

"Chust textile" лойиҳасининг умумий қиймати қарийб 12 миллион доллар бўлиб, уч босқичга мўлжалланган. Тўлиқ қувватда йилига 5 минг тонна мато, 15 миллион дона тайёр маҳсулот ишлаб чиқариши мумкин. Ишчилар сонини 2 минг 200 га етказиш режалаштирилган. Шу ерда Наманган вилоятида амалга оширилаётган йирик инвестиция лойиҳалари тақдироти бўлиб ўтди.

Шундан сўн Президент Шавкат Мирзиёев Наманган шаҳридаги "Даштбоғ" кичик саноат зонасида бўлди.

Давлатимиз раҳбари Олий Мажлисга Мурожаатномасида саноат салоҳиятини янада ошириш учун туман ва шаҳарларда технопарк, кичик саноат зоналари, ҳудудий кластер ва логистика марказлари ташкил этилишини айтган эди.

Хусусан, Наманган вилоятида 72 та кичик саноат зонаси учун жой ажратилган. Бугунги кунда шундан 34 таси қурилиб, фойдаланишга топширилган.

Даштбоғдаги мажмуа яқинда ташкил этилганига қарамай, корхоналар бирин-кетин ишга туша бошлади. Масалан, "Dream liner tekstil" масъулияти чекланган жамиятида махсус кийимлар ва эркаклар кўйлаги тикиш йўлга қўйилди. Бу ерда маҳаллий аҳоли вакилларида 120 нафари ишламоқда.

Шавкат Мирзиёев улар билан мулоқотда бўлди.

— Эшитяпсизлар, Ўзбекистонда "маҳаллабай", "хонадонбай" деган ибора пайдо бўлди. Бу дегани — ҳар бир оиланинг дардини, ниятини билиб, уларга елкадош, кўмакдош бўлиш, шароит яратишга ҳаракат қилишимиз.

(Давоми 2-бетда) ▶

Муносабат

Халқчил дастур

инсон ҳуқуқларини таъминлаш соҳасидаги халқаро стандартлар ва инсонпарварлик тамойиллини кенг жорий этишга қаратилган

Давлатимиз раҳбарининг 2021 йил 3 февралдаги Фармони билан тасдиқланган 2017-2021 йилларда Ўзбекистон Республикасини ривожлантиришнинг бешта устувор йўналиши бўйича

Ҳаракатлар стратегиясини "Ёшларни қўллаб-қувватлаш ва аҳоли саломатлигини мустаҳкамлаш йили"га амалга оширишга оид Давлат дастури 273 та банддан иборат.

(Давоми 3-бетда) ▶



Қонун моҳияти

Болалар ҳуқуқларини кафолатлаш – давлат сиёсатининг устувор йўналиши



Қуни кеча "Ўзбекистон Республикасининг Жиноят, Жиноят-процессуал кодексларига ҳамда Ўзбекистон Республикасининг Маъмурий жавобгарлик тўғрисидаги кодексига ўзгартиш ва қўшимчалар киритиш ҳақида"ги қонун қабул қилинган. Янги қонуннинг мазмун-моҳияти ва аҳамияти ҳақида сўз юритилган аввал, уни ишлаб чиқиш ҳамда қабул қилишга туртки берган муҳим омиллар ҳақида тўхталаш ўринамиз.

(Давоми 3-бетда) ▶

Ўзбекистон Республикаси Президентининг ҚАРОРИ

СУНЬИЙ ИНТЕЛЛЕКТ ТЕХНОЛОГИЯЛАРИНИ ЖАДАЛ ЖОРИЙ ЭТИШ УЧУН ШАРТ-ШАРОИТЛАР ЯРАТИШ ЧОРА-ТАДБИРЛАРИ Тўғрисида

"Рақамли Ўзбекистон — 2030" Стратегиясига мувофиқ ҳамда сунъий интеллект технологияларини жадал жорий этиш ва уларни маънавиятда кенг қўллаш, рақамли маълумотлардан фойдаланиш имкониятини ва уларнинг юқори сифатини таъминлаш, ушбу соҳада малакали кадрлар тайёрлаш учун қулай шарт-шароитлар яратиш мақсадида:

1. Қуйидагилар тасдиқлансин: а) қуйидаги асосий устувор йўналишларни назарда tutувчи 2021-2022 йилларда сунъий интеллект технологияларини ўрганиш ва жорий этиш бўйича чора-тадбирлар дастури (кейинги ўринларда — Дастур) 1-иловага мувофиқ;

сунъий интеллектни қўллашнинг асосий йўналишлари ва тамойилларини, шунингдек, яқин ва узок истикболда ушбу соҳани комплекс шакллантириш учун шарт-шароитларни белгилловчи **Сунъий интеллектни ривожлантириш стратегиясини ишлаб чиқиш;**

иқтисодий таъминоти ва ижтимоий соҳада, давлат бошқаруви тизимида сунъий интеллект технологияларини ишлаб чиқиш ва улардан фойдаланишда ягона талаблар, жавобгарлик, хавфсизлик ва шаффоқликни белгилловчи **норматив-ҳуқуқий базани ишлаб чиқиш;**

аҳоли манфаатлари йўлида давлат хизматлари кўрсатиш сифатини яхшилаш, шунинг-

дек, маълумотларни қайта ишлашда давлат органларининг самарадорлигини ошириш учун **сунъий интеллект технологияларидан кенг фойдаланиш;**

фойдали технологик ечимларни ишлаб чиқиш бўйича фундаментал ва амалий илмий тадқиқотларни ўтказиш ва уларни кейинчалик тижоратлаштиришни рағбатлантирувчи **сунъий интеллект соҳасида инновацион ишланмаларнинг маҳаллий экотизимини яратиш;** **сунъий интеллект технологияларини қўловчи дастурий таъминот ишлаб чиқувчиларига рақамли маълумотлардан фойдаланиш учун шароит яратиш,** шунингдек, давлат органлари ва ташкилотларининг тегишли маълумотларини тезкор рақамлаштиришни таъминлаш;

сунъий интеллект соҳасидаги илмий ишлар ва ишланмаларнинг инвестицион жозибадорлигини шакллантириш, шу жумладан, товарларнинг (иш ва хизматларнинг) ички ва ташқи бозорларда рақобатбардошлигини ошириш;

маҳаллий корхоналар ва мутахассисларнинг сунъий интеллект соҳасидаги ахборот ресурслари ва билимлардан фойдаланиш имкониятини таъминлаш, шунингдек, зарур таълим муҳитини ривожлантириш;


(Давоми 2-бетда) ▶

Хабарингиз бор, газетамизнинг 2020 йил 5 июндаги 17-сонига "Адолат қарор топди И.Эшмуродов 11 йилдан сўнг оқланиб, жазони ижро этиш муассасасидан озод қилинди" сарлавҳали мақолага Жондор тумани Пешқандоқ қишлоғида яшаган **Ихтиёр Эшмуродовнинг жиноят ишлари бўйича Бухоро вилояти судининг 2009 йил 3 августдаги ҳукмига биноан ноҳақ суғуланиши ҳамда 11 йил дағанда оқланиб, жазони ижро этиш муассасасидан озод қилингани баён этилган эди.**

Келинг, асосий фикрга ўтишдан олдин ва ўқувчиларга янада тушунарли бўлиши учун воқеа тафсилотларини яна бир қарра эсга олсак. Биринчи босқич судининг ҳукмида қайд этилишича, Ихтиёр Эшмуродов ўз ҳамқишлоғи Тамара Юллиеванинг жуда кўп миқдордаги — 10.164.000 сўмга тенг бўлган 7.000 АҚШ долларини (2009 йил 29 январь куни 1 АҚШ доллари 1.408 сўм 44 тийин тенг бўлган) қўлга киритмоқчи бўлган. Шу мақсадда И.Эшмуродов 2009 йил 29 январь куни кеч соат 22:30 да Т.Юллиеванинг ётоқхонасига гайриқонуний равишда бости-

Оқлов

Амалиётдаги камёб ҳолат судларнинг чинакам адолат қўрғонига айланаётганини исботлади




риб кириб, аёлниги ўзи ҳамда 2000 йилда туғилган невараси, вояга етмаган Умрия ҳам ўлдирди учун худди шу тарзда кетма-кет зарба берди. Оқибатда буви ва набира хушларидан кетиб, йиқилишади.

Сўнгра ўзи билан олиб келган ёғоч таёқ билан бир

неча маротаба уради. Кейин вояга етмаган Умрияни ҳам ўлдирди учун худди шу тарзда кетма-кет зарба берди. Оқибатда буви ва набира хушларидан кетиб, йиқилишади.

(Давоми 4-бетда) ▶

Ўзбекистон Республикаси Олий судининг электрон тўлов тизими (billing.sud.uz)



2019 йилнинг апрель ойидан бошлаб судлар фаолиятига Олий суднинг Интерактив хизматлар порталида (**my.sud.uz**) жойлаштирилган **"Электрон тўлов тизими"** руқни орқали давлат божлари ва судга мурожаат қилишдаги бошқа ҳаражатлар суммасини онлайн тарзда тўлаш учун ягона электрон тўлов тизими жорий этилди.

Бу билан фуқароларга бир қатор қулайликлар яратилди: — судга мурожаат қилганлик учун тўловларни амалга оширишда банк ҳисоб рақамлари ва бошқа реkvизитлар қўлда тўлдирилмайди;

— амалга оширилган тўловлар учун банклар томонидан тўлов амалга оширилгани ҳақида алоҳида тасдиқ талаб этилмайди; — тўловлар исталган усулда (жумладан, **"CLICK"**, **"Payme"** ва **"Uray"** электрон мобил тўлов тизимлари орқали) амалга оширилиши мумкин;

— суд қарорига асосан ундирилиши белгиланган тўловлар ҳам мазкур тизим орқали амалга оширилиши ва буни тасдиқловчи маълумотни судга тақдим этиш шарт бўлмайди.

Мазкур тизим фуқаролар ҳамда тадбиркорларга судга мурожаат қилишда амалга оширилиши лозим бўлган тўловларни тезкорлиги ва аниқлигини таъминлашга хизмат қилади.

Маълумот ўрнида шунни айтиш керакки, шу пайтга қадар ушбу тизим орқали 8,1 миллиард сўмлик 5 325 та тўлов амалга оширилган.

◀ (Бошланиши 1-бетда)

Дунё тажрибаси шундан далолат берадики, болалар ҳар доим давлат ва жамият томонидан гамхўрлик қилиш ва қўллаб-қувватлашга муҳтож бўлади. Бола ҳуқуқлари — бу ирқи, жинси, тили, дини, тугилган жойи, миллий ва ижтимоий келиб чиқиши, мулкӣ ва бошқа ҳолатларидан қатъи назар, ҳеч бир камситишсиз ҳар бир бола эга бўлиши керак бўлган ҳуқуқ ва эркинликлардир.

Бола ҳуқуқларини махсус ҳимоя қилиш зарурати Инсон ҳуқуқлари тўғрисидаги халқаро билл, шунингдек, болалар манфаатларини ҳимоя қилиш билан шуғулланувчи халқаро ташкилотларнинг тегишли ҳужжатларида белгилаб қўйилган. Хусусан, 1959 йилдаги Бола ҳуқуқлари декларациясида ҳар бир бола учун ҳеч қандай камситиш ва чеклашларсиз бутун бошли ҳуқуқлар мажмуи мустаҳкамланган.

Ушбу Декларация асосида 1989 йил 20 ноябрда БМТ Бош Ассамблеяси қабул қилган Бола ҳуқуқлари тўғрисидаги конвенция бола ҳуқуқлари соҳасидаги биринчи мажбурий халқаро ҳужжатдир. Мазкур ҳужжатда инсониятнинг узвий бўлаги сифатида тан олинган болаларнинг фуқаролик, сиёсий, ижтимоий, иқтисодий ҳуқуқлари кафолатланган.

Мамлакатимиз 1992 йилда БМТнинг Бола ҳуқуқлари тўғрисидаги конвенциясини ратификация қилиши натижасида унинг қоидаларини баҳарий мажбуриятини зиммасига олган. Болаларнинг Конвенцияда кўрсатилган ҳуқуқларига риоя қилиш ва уларни ҳимоя қилиш учун зарур ташкилий-ҳуқуқий шароитлар ва кафолатлар яратиш мамлакатимиз давлат сиёсатининг устувор йўналишларидан ҳисобланади.

Сўнгги йилларда юртимизда бола ҳуқуқлари кафолатларини мустаҳкамлаш бўйича бир қатор норматив-ҳуқуқий ҳужжатлар қабул қилинди. Бола ҳуқуқлари бўйича вакил лавозими жорий этилди. Никоҳ ёши эркаклар ва аёллар учун 18 ёш этиб белгиланди. Етим болалар ва ота-онасининг қарамоғидан маҳрум бўлган болаларни ижтимоий ҳимоя қилиш тизими такомиллаштирилди.

Бирок бугунги кун талаби болалар ҳуқуқларини ҳимоя қилиш ва қўллаб-қувватлаш, уларнинг ҳуқуқий ҳолатини такомиллаштириш тизимини қайта кўриб чиқишни тақозо қилмоқда. Амалдаги қонунчиликда бола ҳуқуқларини тўлиқ ҳақда ҳимоя қилишга имкон бермайдиган бир қатор бўшлиқлар мавжуд. АҚШ Мехнат департаментининг 2019 йил янунлари бўйича "Болалар меҳнатининг энг ёмон шакллари" бўйича ҳисоботида Ўзбекистон сўнгги йилларда Халқаро меҳнат ташкилотининг ратификация қилинган конвенцияларини амалга ошириш, шунингдек, болалар меҳнатининг оғир шакллари йўқотиш, уларга нисбатан мажбурий меҳнатга йўл қўймаслик бўйича сезиларли ишларни амалга оширгани таъкидланган.

Ҳақиқатан ҳам, кейинги йилларда мамлакатимизда бу борада бир қатор самарадор чора-тадбирлар ҳаётга татбиқ этилди. Жумладан, пахта йғим-теримида болалар меҳнатининг олдини олиш бўйича қатъий чоралар кўрилди. Меҳнатга маъмурий тарзда мажбурлаш учун жавобгарлик кучайтирилди ва бундай ҳолат такроран содир этилганлиги учун жиноий жавобгарлик белгиланди. Меҳнат инспекторлари сони икки баравар оширилди, болалар меҳнати бўйича қонунлар ва уларни бузганлик учун жавобгарлик тўғрисида аҳоли ўр-

Қонун моҳияти

Болалар ҳуқуқларини кафолатлаш — давлат сиёсатининг устувор йўналиши



тасида кенг тушунтиришлар амалга оширилди.

Шундай бўлса-да, соҳада айрим камчиликлар мавжудлиги АҚШ Меҳнат департаментининг 2019 йил янунлари бўйича ҳисоботида кўрсатиб ўтилган. Хусусан, Ҳуқумат томонидан амалга оширилмаган саъй-ҳаракатларга қарамай, Ўзбекистонда болалардан тижорий мақсадларда шахвоний эксплуатация қилиниши ўз ичига олган болалар меҳнатининг энг ёмон шаклларида мамлакат ичида ва ташқарисида ҳамон фойдаланилаётгани ҳамда бу борадаги қонунчилик халқаро стандартларга тўлиқ мувофиқ эмаслиги таъкидланган.

Ҳисоботда АҚШ Меҳнат департаментининг мазкур масалалар юзасидан бир қатор тавсиялари баён этилган.

АҚШ Меҳнат департаментининг ҳисоботида назарда тутилган тавсиялар ҳамда Инсон ҳуқуқлари бўйича Ўзбекистон Республикасининг Миллий стратегиясининг шахсий ва сиёсий ҳуқуқларини ҳимоя қилиш соҳасидаги устувор йўналишлари асосида "Ўзбекистон Республикасининг Жиноят, Жиноят-процессуал кодексларига ҳамда Ўзбекистон Республикасининг Маъмурий жавобгарлик тўғрисидаги кодексига ўзгартиш ва қўшимчалар киритиш ҳақида"ги қонун қабул қилинди.

Ушбу қонунга биноан, аввало, Жиноят кодекси 128¹-модда билан тўлдирилди.

Унга қўра, ўн олти ёшдан ўн саккиз ёшгача бўлган шахснинг ўн саккиз ёшга тўлмаганлиги айбдорга аён бўлган ҳолда унга моддий қимматликлар бериш ёки уни мулкӣ манфаатдор этиш орқали у билан жинсий алоқа қилиш ёки жинсий эҳтиёжни қаноатлантириш усулда қондириш учун жавобгарлик белгиланди. Бунда жиноятнинг объектив томони зарурий белгиси сифатида қилинмиш шундай ҳаракатлар учун маъмурий жазо қўлланилганидан кейин содир этилгани кўзда тутилди.

Шу билан бирга, ушбу жиноят объекти сифатида ўн саккиз ёшга тўлмаган шахснинг нормал ва ахлоқий ривожланиши эканлигини инобатга олиб, жиноят субъекти ёши 18 ёш этиб белгиланди.

Жиноят-процессуал кодексининг 381²-моддаси биринчи қисмига

қўшимча киритилиб, Жиноят кодексининг 128¹-моддаси бўйича тергов ички ишлар органига тегишлилиги белгиланди.

Жиноят кодексининг 148²-моддаси иккинчи қисмига вояга етмаган шахсни меҳнатга бирон-бир шаклда маъмурий тарзда мажбурлаганлик учун тўғридан-тўғри жиноий жавобгарлики белгиланиши ўзгартириш киритилди.

Меҳнатга маъмурий тарзда мажбурлаганлик учун жавобгарлики назарда тутилган Маъмурий жавобгарлик тўғрисидаги кодекснинг 51-моддаси иккинчи қисми кодексдан чиқариб ташланди.

Жиноят кодексининг 216¹-моддаси вояга етмаган шахсни гайриқонуний жамоат бирлашмалари ва диний ташкилотлар, оқимлар, секталар фаолиятида қатнашишга ундаш учун жиноий жавобгарлики белгиланиши иккинчи қисм билан тўлдирилди.

Мазкур қонуннинг қабул қилиниши мамлакатимизнинг инсон ҳуқуқлари соҳасидаги халқаро мажбуриятларига тўла мувофиқ келади. Хусусан, Инсон ҳуқуқлари умумжаҳон декларацияси (25-модда), Фуқаролик ва сиёсий ҳуқуқлар тўғрисидаги халқаро пакт (8, 23, 24-моддалар), Иқтисодий, ижтимоий ва маданий ҳуқуқлар тўғрисидаги халқаро пакт (10-модда) талабларига қўра, бола ҳуқуқлари кафолатланган ва ҳеч ким мажбурий ёки зўраки меҳнатга мажбур қилинмаслиги лозим.

Бундан ташқари ушбу қонун мамлакатимизнинг бир қатор халқаро-ҳуқуқий ҳужжатларга қўшилиш орқали зиммасига олган мажбуриятларига мосдир. Бу ўринда, жумладан, Бола ҳуқуқлари тўғрисидаги конвенция, Бола ҳуқуқлари тўғрисидаги конвенцияга доир, болалар савдоси, болалар фоҳишабозлиги ва болалар порнографиясига тааллуқли Факультатив протокол, Одам савдосига ва ўқинчи шахслар томонидан танфурушлиқдан фойдаланилишига қарши кураш тўғрисидаги конвенция, Болалар меҳнатининг оғир шакллари ни таъкидлаш ва йўқ қилишга доир шонлининг чоралар тўғрисидаги конвенция (182-сон Конвенция), Бирлашган Миллатлар Ташкилотининг Трансмилий уюшган жиноятчиликка қарши конвенциясини тўлдирувчи Одам савдоси, айниқса, аёллар ва болалар савдо-

сининг олдини олиш ҳамда унга чек қўйиш ва унинг учун жазолаш ҳақидаги протокол (Палермо протоколи) ҳақида сўз бормоқда.

Биринчидан, Бола ҳуқуқлари тўғрисидаги конвенциянинг 34-моддасида иштирокчи-давлатлар болани шахвоний мақсадларда фойдаланиш ва шахвоний бузилишнинг барча шаклларидан ҳимоя қилиш мажбуриятини ўз зиммаларига олиши белгиланган. Бунда шахвоний мақсадларда фойдаланиш деганда — болалардан фоҳишабозлик ёки гайриқонуний равишдаги бошқа шахвоний мақсадларда фойдаланиш ҳамда улардан порнография ва порнография материаллари тайёрлаш мақсадларида фойдаланиш тушунилади.

Иккинчидан, Бола ҳуқуқлари тўғрисидаги конвенцияга доир, болалар савдоси, болалар фоҳишабозлиги ва болалар порнографиясига тааллуқли Факультатив протоколнинг 3-моддасида ҳар бир иштирокчи-давлат болани жинсий эксплуатация қилиш уларнинг жиноий қонунчилиги билан таъқиб қилинишини таъминлаш мажбуриятини олган.

Учинчидан, Болалар меҳнатининг оғир шакллари таъкидлаш ва йўқ қилишга доир шонлининг чоралар тўғрисидаги конвенциянинг 3-моддасига қўра, болалардан зўраки ёки мажбурий меҳнатда фойдаланиш "болалар меҳнатининг энг ёмон шакллари" сифатида баҳоланади. БМТнинг ҳар бир аъзоси, ушбу Конвенцияни ҳаётга татбиқ этишга қарор қилган сармалари самарали қўллаш ва уларга риоя этишни таъминлаш учун жиноий жавобгарлики жорий этиши ва қўллаш орқали зарур чора-тадбирларни кўриши белгиланган.

Шундай қилиб, янги қонун, авваламбор, болаларнинг ҳуқуқлари ва эркинликлари ҳимоясини янада кафолатлайди. Шу билан бирга, одам савдосидан жабрланган болаларнинг ҳуқуқлари, эркинликлари ва қонуний манфаатларини ҳимоя қилиш, халқаро майдонда мамлакатимиз нуфузини янада яхшилашга хизмат қилади.

Рустам АТОВУЛЛОЕВ,
Инсон ҳуқуқлари бўйича
Ўзбекистон Республикаси
Миллий маркази бош ҳуқуқий
маслаҳатчиси



Урганч шаҳар ҳокимлигида ўзини угдубурон санаган "ишбилармонлар" йўқ, десангиз, янгилишасиз. Шундайлардан бирининг "топонимлиги" боис Вазирлар Маҳкамасининг 2010 йил 29 декабардаги "2011-2015 йилларда" ибораси билан бошланувчи қарори матни "2011-2019 йиллар" иборасига ўзгартири.

Балки "Шунгаям ота гўри қозихонами, эътиборсизлик оқибатида йўл қўйилган ва дарҳол тузатса бўладиган оддийгина хато экан-ку!" — дея эътироз билдирарсиз. Ҳа, эътирозингиз ўринли. Бирок ўша атиги биттагина "жузъий" хато пировақда бутун бошли тадбиркорлик субъекти-ю, ушбу ҳокимликни овора-ю сарсон қилгани, жиддий қонунбузилиш ҳолати рўй бергани, ҳатто суд органини чағалатишга қаратилган ноҳўй қилмиш ҳам бўй кўрсатганига нима дейсиз?

Вазирлар Маҳкамасининг "2011-2015 йилларда маданият ва истироҳат боғларининг моддий-техника базасини мустаҳкамлаш ва уларнинг фаолиятини янада такомиллаштириш чора-тадбирлари дастурини тасдиқлаш тўғрисида" 2010 йил 29 декабардаги 332-сонли қарорининг амал қилиш санаси бузиб кўрсатилди. Шаҳар ҳокимлиги 2018 йил-

нинг 5 ноябрида ижро муддати салкам 4 йил муқаддам-2015 йили тулган ушбу ҳужжатни асос қилган ҳолда янги 2814 к-сонли қарорни қабул қилди. Унга биноан тадбиркор Шохроҳ Комиловга Урганч шаҳридаги Амир Темура номидаги маданият ва истироҳат боғи худудига "Ўқув маркази" биноси қуриш учун ваколатли маҳкама — "Тошбошплан ЛИТИ" давлат унитар корхонасининг бош режаси асосида 400 квадрат метр ер майдони узок муддатли ижара шартномаси асосида ажратиб берилди.

Мазкур ерни ўзлаштириш муддати уч йил, 2019 йил Ер кодексига киритилган ўзгартишдан сўнг эса, 2 йил қилиб белгиланди. Аммо ҳаммаси, ҳокимлик мутасаддилари бу муддатни ҳам кўп кўришган чоғи, унинг охирашларини кутмаёқ, галдаги қонунбузилишига йўл қўйишди. Ер тадбиркорнинг ихтиёрига берилгани ва ундан фойда-

Қонун кўмаги
Қонунга зид қарор
узок сарсонгарчиликка сабаб бўлди

ланишга қарата лойиха-ҳаражат ҳужжатлари тайёрланганидан роппа-роса 1 йил 10 ой ўтган, 400 квадрат метр майдонни тадбиркорга бериш тўғрисида 2018 йил қабул қилинган қарор бекор қилинди. Бу иш 2020 йил 5 сентябрда ҳокимнинг янги 1221 к-сонли қарорини қабул қилиш асосида амалга оширилди. Шу ўринда эслатиб ўтиш жоизки, "2015 йил" санаси айнан ана шу ҳужжатда "2019 йил" тарзида ўзгартирилди. Унга асосан тадбиркор Ш.Комиловга ажратилган 400 квадрат метр ер майдони яна ҳокимлик ихтиёрига қайтарилди.

Афсуски, бу жараёнда қонунбузилиш ҳолати ва уни ҳас-пўшлашга қаратилган бошқа ажабтовур воқеалар ҳам рўй берди. Аниқланишича, ҳокимлик мутасаддилари ерни ижарадордан олиб қўйиш ҳақидаги қарорни қабул қилиш маҳали "Маъмурий тартиб-таомиллар тўғрисида"ги қонуннинг 60-моддаси талаби-

ни ҳам эътибордан соқит этишган. Аслида қонуннинг талаби оддий, равшан ва тушунарли. Унда қайд этилишича, "Маъмурий ҳужжатни манфаатдор шахс манфаатларига зид равишда бекор қилиш, агар қонунда бошқача қоида назарда тутилмаган бўлса, уни мажлисда қайта кўриб чиқиш орқали амалга оширилиши". Мазкур қонуннинг 9-моддаси талабига қўра, маъмурий орган манфаатдор шахсга маъмурий ҳужжатни қабул қилиш учун аҳамиятга эга бўлган барча ҳолатлар юзасидан ўз фикрини билдириш имконини бериши шарт. Бирок мутасаддилар қонун талабига риоя этишни лозим топишмади. Ер тадбиркордан қайтариб олиш ҳақидаги қарор маъмурий органининг мажлиси ўтказилмаган, манфаатдор тарафини иштироки таъминланмаган, унга ўз фикрини билдириш имкони берилмаган ҳолда қабул қилинди.

Бу ҳолат шаҳар ҳокимлигига қарашли Архитектура ва қуриш бошқармаси тарафидан тадбиркорнинг номига алоҳида лойиха-ҳаражат ҳужжати тайёрланган, унга ҳокимлик ҳузуридagi доимий ишловчи комиссиянинг барча аъзолари ижобий хулоса берган, ер майдонини ижарага олиш ҳуқуқи боғичинг "Тошбошплан ЛИТИ" давлат унитар корхонаси томонидан тасдиқланган бош режасида тўлиқ мувофиқ ҳолда амалга оширилган бир вазиятда рўй берди.

Бу эса, янада жиддий оқи-

Муносабат

Халқчил дастур

инсон ҳуқуқларини таъминлаш соҳасидаги халқаро стандартлар ва инсонпарварлик тамойилини кенг жорий этишга қаратилган



Давлат дастурида белгиланган тадбирларни амалга оширишнинг жами харажатлари учун қарийб 30 триллион сўм, 2 миллиард 600 миллион АҚШ доллари ва 57 миллион евродан зиёд маблағ йўналтирилиши кўзда тутилган.

Давлат дастурининг асосий мақсади — ёшларни ҳар томонлама қўллаб-қувватлаш, аҳоли ўртасида соғлом турмуш тарзини қарор топтириш, иқтисодиётни ривожлантириш орқали халқ фаровонлигини оширишга қаратилган. Шу асосда Дастурда Ҳаракатлар стратегиясининг устувор йўналишлари бўйича амалга оширилаётган вазифалар, жорий этилаётган тартиб ва амалиётлар белгиланди.

Президентимиз Шавкат Мирзиёев 10 февраль куни "Ёшларни қўллаб-қувватлаш ва аҳоли саломатлигини мустаҳкамлаш йили" давлат дастури ижросини самарали ташкил этиш масалалари юзасидан ўтказилган видеоселектор йиғилишида таъкидлаганидек, "Бу дастурни хануз давом этаётган пандемия шароитида, глобал инкироз кучайиб бораётган мураккаб бир вазиятда амалга оширишимизга тўғри келади. Ҳар қанча қийин бўлмасин, 500 минг нафар ёш ва 200 минг аёлни иш билан таъминлаш ҳамда 300 минг аҳолини камбағалликдан чиқариш лозим".

Давлат дастури юртдошларимизнинг ҳаётдаги қанчадан-қанча ташвишу муаммоларига амалий ечим топишга, халқимизни рози қилишга қаратилган. Буни Дастурда аҳолини ижтимоий қўллаб-қувватлаш, тиббиёт, таълим ҳамда бошқа гуманитар соҳаларни ривожлантириш, бир сўз билан айтганда, инсон манфаатларини бевосита таъминлашга тааллуқли бўйича бундай қарорларга эга бўлади.

Мисол учун 2021 йил 1 июндан бошлаб, пенсия тайинлашда 2005 йилдан аввалги йиллар учун иш стажини шахснинг меҳнат дафтрасидаги ёзувлар асосида, тасдиқловчи ҳужжатлар талаб этилмасдан ҳисоблаш тартиби жорий этилмоқда. Бунинг натижасида, йил

олдини олиш бўйича жамоатчилик гуруҳлари ташкил этилади. Ушбу гуруҳлар фаолиятини оммавий ахборот воситаларида кенг ва мунтазам ёритиб борилади.

Дастурнинг 24-бандида нодавлат суд-экспертиза фаолиятини қўллаб-қувватлаш ва мувофиқлаштириш механизмларини жорий этиш вазифаси қайд этилган. Бунда нодавлат суд-экспертиза ташкилотларини ташкил этишнинг давлат-хусусий шериклик асосидаги шакллари жорий қилиниши таъминлаш мажбуриятини таъкидлаш таъминлаш механизми белгиланган.

Дастурга мувофиқ инсон ҳуқуқлари соҳасида жамоатчилик мониторингини тизимини шакллантириш учун тегишли қонун лойихаси ишлаб чиқилди. Лойихада:

● "Жамоатчилик назорати тўғрисида"ги қонунда жамоатчилик назоратининг ҳар бир шаклини амалга ошириш механизмлари ва тартиб-таомилларини белгилаш;

● инсон ҳуқуқ ва эркинликларига тааллуқли халқаро ва миллий ҳуқуқий нормаларнинг амалга оширилишини назорат қилиш бўйича "жамоат инспектори", "жамоат кузатувчиси", "жамоат комиссияси" институтларини шакллантириш;

● инсон ҳуқуқлари соҳасидаги қонунлар самарадорлигини баҳолаш ва илмий асосланган ҳамда чуқур ўйланган жамоатчилик мониторингини тизимини шакллантириш назарда тутилди.

Фармоннинг 23-бандига мувофиқ:

● Олий Мажлиснинг Инсон ҳуқуқлари бўйича вакили (Омбудсман) томонидан ҳар чоракда жамоатчилик вакиллари билан биргаликда тергов изолатори ва жазони ўташ муассасаларига "мониторинг ташрифлари" тизимини йўлга қўйиш чораларини кўриш тавсия этилди;

● жазони енгилроғи билан алмаштириш ва шартли озод қилиш тўғрисида тақдимнома



яқунига қадар 100 минг, келгуси йилда яна 200 минг нафар фуқаро ортиқча сарсон бўлмаган пенсия олиш имкониятига эга бўлади.

Давлат дастурининг 2-бўлими 2-қисми "Фуқароларнинг ҳуқуқ ва эркинликларини ишончли ҳимоя қилиш кафолатларини таъминлаш" деб номланади. Ушбу бўлимдан 4 та банд жой олган. Хусусан, 23-бандда қийноқ ҳолатларини аниқлаш ва уларнинг олдини олишга қаратилган тақдимномада кўриб чиқилиши таъминлаш учун Олий Мажлиснинг Инсон ҳуқуқлари бўйича вакили (Омбудсман) вазифа ва ваколатлари қўламини кенгайтириш кўзда тутилмоқда. Жумладан, Омбудсман ҳузурда қийноқ ҳолатларини аниқлаш ва уларнинг

критиш ваколати жазони ижро этиш муассасаларидан янги ташкил этиладиган инсонпарварлик комиссияларига ўтказилади;

● 2021 йилда 6 тагача манзил-колониалар қисқартирилади.

Бу вазифаларнинг ўз вақтида ва тўлиқ бажарилиши, шубҳасиз, мамлакатимизда инсон ҳуқуқларини таъминлаш соҳасидаги халқаро стандартлар ва инсонпарварлик тамойилларининг кенг жорий этилиши йўлида муҳим амалий қадамлар ҳисобланади.

Ғулум МИРЗО,
Ўзбекистон Республикасида
хизмат кўрсатган журналист
Бобомурод РАЙИМОВ,
"Куч — адолатда" муҳбири

